



Headlines

- मुख्मन्त्री उमर अबदुल्ला होरें अज्ज गांदरबल दा दौरा लाया ते केई महत्वपूर्ण विकास परियोजनाएं गी लोकें गी समर्पित कीता।
- जिला विकास काउंसल मिम्बरें दा कार्यकाल अज्जै थमां समाप्ता होआ'रदा ऐ। सरकार नै आखेआ ऐ जे डीडीसी मिम्बरें दे इख्तियार, अफसरें गी नेई दित्ते जाडन।
- जम्मू रेलवे डिविजन पैहली मार्च-2026 थमां जम्मू ते श्रीनगर बश्कार वंदे भारत एक्सप्रेस रेल सेवा शुरू करोग।
- श्री माता वैशणो देवी श्राइन बोर्ड नै अंतरराष्ट्री देवी अयाबघर लेई इक समर्पित पोर्टल दा शुभारम्भ कीता ते इस विश्व स्तरीय संग्रहालय दी स्थापना लेई माहिरें कोला सुझाऽ मंगे न।
- मौसम विभाग नै आखेआ ऐ जे फरवरी म्हीने दे अखीरै तोड़ी जम्मू-कश्मीर च मौसम आमतौरा पर खुशक गै बने दा रौहग। कश्मीर च तापमान सामान्य थमां 11 डिग्री सेल्यिस मता दर्ज कीता गेआ।



CM-Dev. Projects

मुख्मन्त्री उमर अबदुल्ला होरें अज्ज गांदरबल दा दौरा लाया ते बक्ख-बक्ख परियोजनाएं गी लोकें दे नमित कीता। अपने दौरे दरान मुख्मन्त्री होरें गांदरबल हल्के दे विकास लेई ते एहदी खूबसूरती बधाने लेई कुल 84 करोड़ 41 लक्ख रुपें दी लागत आहली कई परियोजनाएं दा नींह पत्थर रक्खेआ ते केइयें दा उद्घाटन कीता। मुख्मन्त्री होरें आखेआ जे एहदे कन्नै समूलचे इलाके च शैहरी ढांचा, सेहत, बिजली, पानी दी सप्लाई, शिड़क यातायात ते होरनें सार्वजनिक सेवाएं गी मजबती थ्होग। दौरे दरान मुख्मन्त्री होरें मकामी लोकें कन्नै गल्लबात बी कीती ते मगरा फतेहपोरा डाक बंगले च मिशन युवा तैहत लाभार्थियें गी सर्टिफिकेट बी बंडे। मुख्मन्त्री होरें

जिले च युवा सशक्तिकरण ते स्वरोजगार सरबन्धी पैहलकदमियें गी बढावा देने लेई सरकार दी बचनबद्धता गी फही पक्का कीता। पत्रकारें कन्नै गल्लबात करदे होई मुखमंत्री होरें आखेआ

<><><><><><>

DDC Term End

जम्मू-कश्मीर सरकार नै जिला विकास काउंसल दे मिम्बरें दे 5 बरे दे कार्यकाल दे समापन दी गल्ल आखी ऐ। जिला विकास काउंसल, मुकामी प्रशासन दी सब्भनें थमां हेठली सतह पर औने आला प्रशासन ऐ। जम्मू-कश्मीर च जिला विकास काउंसल दे चुनां 2020 च करोआए गे हे। ए चुनां 20एं जिलें च होए हे। मंत्री जावेद अहमद होरें आखेआ जे DDC गी दिते गेदे इख्तेयारें दे कम्म गी अधिकारियें गी देने दा कोई प्रावधान नेंई ऐ। DDC दा कार्यकाल मुक्कने कन्नै त्रंऊ स्तहें आहला पंचायती राज सरिस्ता समापत होई जाग। पैहले गै 2 स्तहें पंचायतें ते ब्लाक विकास परिषदें दा कार्यकाल मुक्की चुके दा ऐ।

<><><><><><>

Jammu Srinagar Vande Bharat

उत्तर रेलवे दा जम्मू डिविजन जम्मू ते श्रीनगर बश्कार वंदे भारत एक्सप्रेस रेल सेवा शुरू करने दी तयारियें दे अखीरले चरण च ऐ। आकाशवाणी जम्मू संवाददाता नै जानकारी दित्ती ऐ जे इस महत्वपूर्ण रस्ते पर सेमी हाई स्पीड ट्रेन शुरू करने बारै बढधी अटकलें दे चलदे उत्तर रेलवे नै घोशणा कीती ऐ जे जम्मू ते श्रीनगर बश्कार वंदे भारत रेल सेवा पैहली मार्च 2026 थमां शुरू होई जाहंगं जम्मू रेलवे डिविजन दे सीनियर डिविजनल कमर्शियल मैनेजर उचित सिंघल होरें इस गल्लै दी तस्दीक कीती ऐ जे श्रीनगर ते कटडा बश्कार एल्लै चला'रदी वंदे भारत रेल गड्डी 26-402 गी पैहली मार्च थमां जम्मू तगर बधाई दित्ता गेआ ऐ। उनें आखेआ

तोआई, जम्मू रेलवे स्टेशन पर नमें टर्मिनल भवन ते प्लैटफार्म दे विस्तार दा कम्म तेजया कन्नै चला'रदा ऐ। अधिकारियें मेद बुज्झी ऐ जे नमें कारीडोर ते टर्मिनल परियोजना दा कम्म इस बरे दे अंदर-अंदर पूरा होई जाहंग।

<><><><><><>

Wild Life Udhampur

जिला कनूनी सेवा प्राधिकरण उधमपुर आसेया जम्मू-कश्मीर वन्यजीव सुरक्षा विभाग दे सहयोग कन्नै मिलियै इक दिनै दा जागरुकता कार्यक्रम दा सरिस्ता कीता गया। टांडै रख पार्क च लोआए गेदे इस कार्यक्रम दा मकसद माहनू ते जंगली जिएं बश्कार होने आहली झड़प्फें कोला बचाह, प्रबंधन ते राहत कारवाई बारे लोकें गी जागरुक करना हा। तां जे इस चाल्ली दी स्थिति कोला बचेया जाई सकै। मैहकमे दे अधिकारियें ते वन्य- जीव दे माहिरें लोकें कन्नै गल्लबात कीती ते उनेंगी समझाया जे किस तौरा दी हिदायत बरतियै इस चाल्ली दी स्थिति कोला बचेया जाई सकदा ऐ- जिंदे च एहतियाती बचाऽ अपात प्रतिक्रिया ते जंगली जानवर कन्नै सामना जां झड़प्फ होने दी सूरतै च मामले दी जानकारी तुरत पुजने दे सरिस्ते दी जानकारी शामिल ही। इस मौके पर आकाशवाणी समाचार कन्नै गल्ल करदे होई वन्यजीव विभाग उधमपुर दे रेंज अफसर होरें आखेआ



SMVDSB-Museum

श्री माता वैश्वो देवी श्राइन बोर्ड नै प्रस्तावित अंतरराष्ट्री देवी संग्रहालय लेई इक समर्पित आनलाइन पोर्टल दी शुरूआत कीती जेड़ा परियोजना दे वैचारिक विकास च इक महत्वपूर्ण प्रगति दा प्रतीक ऐ। एह पोर्टल श्राइन बोर्ड दे अध्यक्ष ते उपराज्यपाल मनोज सिन्हा हुंदी अध्यक्षता च होई दी 76मीं बोर्ड बैठक च दिती गेदी मंजूरी दे बाद लांच कीता गेआ। एह समर्पित पोर्टल <http://double/suggestions.smvdsbimog.org/> दिव्य नारित्व ते पूजनीय शक्ति परम्परा दे आध्यात्मिक, सांस्कृतिक ते ऐतिहासिक आयामें गी समर्पित विश्व स्तरीय संग्रहालय दी स्थापना लेई संरचित सुझाएं ते विद्वतापूर्ण योगदानें गी सुगम बनाने लेई बनाया गेआ ऐ। मती जानकारी देआ'रदे न एस.एम.वी.डी दे सी.ई.ओ सचिन कुमार वैश्य होर



DTL-CSIR

जम्मू स्थित सी.एस.आई.आर इंडियन इंस्टीच्यूट ऑफ इंटीग्रेटिव मेडिसिन च स्थित दोआइयें दी जांच लेबोरेटरी अत्याधुनिक सुविधाएं कन्नै लैस इक प्रयोगशाला ऐ जेड़ा दोआइयें ते कच्चे माल दी गुणवत्ता, पंछान ते सुरक्षा यकीनी करने लेई समर्पित ऐ। 2017 च स्थापित डी.टी.एल अत्याधुनिक दा इस्तेमाल करदे होई विश्व स्तरीय एनालिटिकल परीक्षण प्रदान करदी ऐ जेड़ा राश्ट्री ते अंतरराश्ट्री दौनें मानकें दा समर्थन करदी ऐ। दोआइएं,

ए.पी.आई, कच्चे माल ते रोगाणु रहित चिकित्सा उपकरणों दे परीक्षण थमां लेइयै फार्मा कोपियल मानकें च योगदान तोड़ी एह प्रयोगशाला विशेषज्ञता, सटीकता ते नियामक अनुपालन गी रलाइयै सोआस्थ सेवा ते सार्वजनिक सुरक्षा गी बढ़ावा दिंदी ऐ। आई.एस.ओ, आई.ई.सी सरबंधी मान्यता, जी.एल.जी अनुपालन ते जैव सुरक्षा स्तर दो प्रमाणन कन्नै डी.टी.एल फामास्यूटिकल विशलेषण, नवाचार ते गुणवत्ता आश्वासन च उत्कृष्टता दी मिसाल पेश करदी ऐ।

<><><><><><>

NYEP-Doda

डोडा जिला प्रशासन आसेआ युवाएं दे आदान-प्रदान सरंबंधी नेशनल यूथ एक्सचेंज प्रोग्राम दे तैहत पंजाब दी लवली प्रोफेशनल युनिवर्सिटी दे दौरे आस्तै नौजोआनें दे इक समूह गी झंडी दस्सियै रवाना कीता गेआ। डोडा दे डिप्टी कमिशनर कृष्ण लाल होरें विद्यार्थियों दे इस समूह गी पंजाब आस्तै रवाना करोआया तां जे नौजोआनें गी इक-दुए दी संस्कृति ते विरसे प्रति जानकार बनाया जाई सकै ते उंदे च राश्ट्री एकता दी भावना गी होर मजबूत कीता जाई सकै। एह पहलकदमी युवाएं गी सिखलाई ते नमें अनुभव दे मौके उपलब्ध करोआने दा कम्म करदी ऐ। डी.सी होरें विद्यार्थियों गी इस मौके दा पूरा-पूरा लाहू ठोआने, अनुभव हासल करने ते अपने तजुबे उन्दे कन्नै सांझे करने आस्तै उंदा दिल बधाया। पत्रकारें कन्नै गल्ल करदे होई डी.सी डोडा होरें आखेआ

<><><><><><>

Handloom-Ramban

रामबन च हत्थखड्डी मैहकमे नै दस्तकारी ते हत्थखड्डी विभाग दे कारीगरें ते बुनकरें दे बच्चें गी माली मदाद देने लेई इक नमां वजीफा कार्यक्रम शुरू कीता ऐ। स्हाढे संवाददाता नै जानकारी दिती ऐ जे इस प्रोग्राम दा मकसद विद्यार्थिं गी अपनी पढाई पूरी करने च मदद करना ऐ जेह्दे च हर परोआर च दो बच्चें गी वजीफे दी सुविधा उपलब्ध करोआई जाह्ग। विद्यार्थिं गी भुगतान सिद्धे लाहू मुंतकिल यानि डरैक्ट बेनिफिट ट्रांसफर दे राहें कीता जाह्ग। इस बारै होर मती जानकारी दिंदे होई रामबन दे हत्थखड्डी ते दस्तकारी मैहकमे दे सहायक निदेशक प्रदीप शान होरें आखेआ



Weather

कश्मीर खेत्र दे कई हिस्सें च सोमवार गी बहोबद् तापमान सामान्य शा 10 थमां 11 डिग्री सेल्यिस मता दर्ज कीता गेआ जिसले जे मौसम विभाग नै जनवरी दे अखीर तोड़ी जम्मू-कश्मीर च खुश्क मौसम रौहने दी मेद बुज्झी ऐ। आकाशवाणी जम्मू संवाददाता दी रिपोर्ट मुजब केंद्र शासित प्रदेश दी सोए आहली राजधानी श्रीनगर च बहोबद् तापमान 21 डिग्री सेल्यिस दर्ज कीता गेआ जेड़ा इस समें दे सामान्य तापमान थमां 10 डिग्री मता हा जेल्लै के गुलमर्ग च बहोबद् तापमान 11 अशारिया 2 डिग्री सेल्यिस रेआ जेड़ा सामान्य थमां 9 डिग्री मता हा। जम्मू खेत्तर च जम्मू च बहोबद् तापमान 25 डिग्री सेल्यिस दर्ज कीता गेआ जेड़ा सामान्य थमां 2.7 डिग्री मता हा। कटड़ा च 25 डिग्री सेल्यिस ते भद्रवाह च 20.1 डिग्री सेल्यिस तापमान दर्ज कीता गेआ। दौनें थाहें दा सामान्य शा मता तापमान रिकार्ड कीता गेआ। मौसम विभाग दे इक अधिकारी नै दस्सेआ

